

欽定剿平三省邪匪方略

欽定剿平三省邪匪方略正編卷一百五十

庚申年

二月初十日

癸巳

上命軍機大臣傳諭各路軍營領兵大員曰教匪滋事以來迄今四載有餘尙未蕪事節次所發帑項不下八九千萬各省封疆大吏見軍需用度浩繁糜帑甚多未免以內藏稍虛卽遇地方要務應行請帑之處不肯據實陳明意存遷就卽如前此雲

南鹽井被淹江蘭諱災不奏又上年江南邵家壩
河工漫溢日久尙未堵合未必非河臣惜費所致
至地方水旱災稜關係閭閻生計該督撫等必當
隨時馳奏發帑賑濟用蘇民困上年各省所報收
成雖不能盡皆上稔統計俱尙豐收此皆仰賴

上蒼鴻庇大有類書感謝之餘益深敬凜卽今歲雨暘
時若再獲有年然豐歉不齊豈能常恃或有一州

一邑被災而督撫等因軍務未竣慮及帑項不充不敢入告以爲曉事則饑民等流離失所或致聚而爲匪釀成事端所費更多是教匪一日不除弊將百出而諱災一事尤爲可慮又本日刑部議覆松筠審擬疑賊敗害及乘機殘殺圖財害命各案分別治罪一摺朕詳加批閱川楚良民皆因賊匪滋擾攜眷逃避陝省鄉民疑爲賊黨立加戕害情

殊可慘其間並有不分起意及下手傷重之人概擬斬決者已照部議飭令該督另行訊明定擬蓋緣人命至重朕於披閱秋審黃冊卽一人一命必將應行矜緩情實之處詳細酌核務得情法之平今鄉民等將被難人民肆行殺害又以時涉倉猝或於昏夜不能分別何人起意含混定擬具奏朕亦何從核其情節分別重輕則擬抵之人又安能

悉當乎可見軍事未蕪百姓等不特遭賊荼毒其
被守卡鄉民慘害者不知凡幾及至定擬時又未
必情眞罪當幾至廢法難行皆各路領兵大員不
能速滅教匪之罪特此再行通諭伊等應上思朕
之青野憂愁焦急下念四省民生困苦顛連務當
激發天良上緊剿辦及早蕪功奠安黎庶設再有
遲延則朕與軍機大臣及伊等之罪日重一日

上天必示警於朕朕亦必重治領兵大員之罪不可不
各謹凜也

臣
等謹案我

皇上親民如傷恫瘝在抱此次自軍興以來

頒發帑金不啻億萬無非爲保護閭閻輯寧安集之
計至於

賜
詞

賜復尺一頻敷凡偶遭蹂躪之區均得免仳離之苦
茲以軍需浩繁

慮及封圻大吏或意存遷就致有諱災不報民莫攸
關

諄誠以諭又因疑賊妝害等案

憫念良民橫遭荼毒

申命帶兵大員上緊剿辦

義正詞明

慈祥愷惻實足以召休和而銷氛祲矣

十一日甲午明亮奏言臣馳抵襄陽據知府張瑛

探報賊匪已竄至均州屬之孫家灣草店一帶

滋擾又另股賊匪由房縣保康一路漸向東竄

查均州西來一股賊匪離穀城二百里由穀城

至老河口四十里由老河口至襄陽一百六十

里襄郡爲湖北保障關係緊要今存城綠營兵
丁僅有二百餘名半係新兵半係遣回調養之
兵實不足恃倭什布所帶大兵在後追剿尙無
繞赴賊前迎頭截擊之信伊所調荊州滿兵亦
無前來准信札調總兵王凱之兵未得到襄日
期事在萬分喫緊之際臣卽飛札催調王凱帶
兵迅速來襄迎頭截剿一面行知荊州將軍引

豐飛催前調滿兵速來協剿並咨會倭什布星
夜派撥官兵二三千名繞出賊前交臣帶領以

圖夾擊猶恐緩不濟急已飛札穀城均州房縣

保康一帶地方文武官聲言臣自京帶來滿漢

勁兵萬餘由襄陽前赴該處探賊迎剿令地方

官安爲預備以壯聲威使賊匪聞知不敢任意

東竄或賊匪畏鋒折回川省誠爲最善或聞有

大兵前來遲疑不進則俟官兵日內趕到不難
一鼓殲除

同日弘豐奏言

臣

接據防禦崇祿等稟稱馳赴

襄陽一帶偵探賊蹤據房保等縣貿易人等僉

稱賊匪並無東竄之信兩竹之間雖聞有賊匪

滋擾已被官兵堵截崇祿等卽由彼前赴房保

一帶再行確探

臣

一面將運送軍火等項夫役

預爲妥備一面將挑選官兵內酌帶五百餘員
名於初六初七初八等日分作三起行走

臣於

初八日將將軍印信交副都統海興阿暫爲署
理卽行前赴襄陽一帶察看情形俟詳細探明
前進一得賊匪趨西確信並賊匪究有若干及
現在如何辦理之處卽行具奏均奏入

上命軍機大臣傳諭明亮曰賊匪竄至均州屬之孫

家灣草店一帶滋擾距襄陽郡城甚近該郡存兵
無幾而倭什布所帶大兵尙在西路追剿未能總
赴賊前迎擊明亮會任大員自不應心存拘泥今
一面具奏一面札催弘豐王凱兩路官兵令其迅
速來襄與朕節次催調之旨相符自應如此辦理
其前調弘豐王凱之兵已降旨催令速赴明亮處
並令弘豐於到襄後卽將所帶滿兵交明亮管領

王凱率領原帶之兵幫同協剿茲據弘豐奏稱已於官兵內挑選五百名於初六七八等日分起行走弘豐亦於初八日起程前赴襄陽此項官兵到後明亮即可帶領剿賊如察看情形尚需調派卽添調五百名亦可但荊州滿兵並非勁旅朕所素知多行挑派亦未必得力而弘豐鎮守荊州又不可無兵防守明亮不如上緊添募鄉勇以資剿捕

之用較爲安便現又令姜晟飛調湖南兵矣此兵似可得力再前因川西需人帶兵曾諭令明亮赴川協剿今楚北竄匪緊要明亮竟無庸前赴四川著卽在湖北率領官兵相機截剿務將各股竄匪設法殲除勉贖前愆定膺懋賞勿令竄近襄陽一帶統俟楚境賊氛掃淨明亮再察看川省情形何路緊要卽由何處取道前往協剿

上命軍機大臣傳諭弘豐王凱日前經降旨命弘豐
王凱各帶兵一千名馳赴楚省邊界協剿竹谿竄
匪本日據明亮奏馳抵襄陽探知賊蹤竄至均州
現在飛調官兵相機剿辦已令明亮卽在楚省帶
兵剿賊矣弘豐年近六旬伊前在散秩大臣上行
走卽知其乘騎未能便捷本不責以打仗殺賊之
事茲楚省所派官兵已分起行走前往襄陽弘豐

仍回將軍本任其未經起程兵丁卽著留駐荊州
防守至王凱前經帶兵一千名馳赴竹山竹谿一
帶協剿竄匪此時已令明亮留楚辦賊著王凱卽
帶領原調兵丁幫同明亮上緊剿辦務將楚境之
賊全數廓清不令再有蔓延

上又命軍機大臣傳諭姜晟曰據明亮奏稱賊匪已
竄至均州屬之孫家灣草店一帶滋擾此時襄樊

一帶地方甚爲緊要亟須增添兵力用資堵剿前
日姜晟面奏俟抵二竹後再行酌調湖南官兵自
因未經到彼恐率行檄調或致多有糜費起見今
該處賊匪業已擾近均州則湖南之兵勢在不得
不調若俟姜晟到彼檄調未免緩不濟急著於接
奉此旨後卽酌量湖南省何處之兵可調何營將
領可用由六百里加緊行文該省或調一千名或

二千名卽令派出將弁帶領前赴湖北軍營趕緊
剿辦賊匪一俟竄匪剿竣此項官兵卽可撤回不
致多糜餉項也

同日常明奏言正月三十日接到四川督臣魁
倫咨會飛調黔省勇健精兵三千名囑令酌派

總兵一員帶領赴川協剿臣因撫臣馮光熊起

程進京暫護撫篆遵卽查明通省額兵於附近

四川省各營均勻抽調並查安義鎮總兵施縉老

成諳練久歷行間

臣

前在黔楚興義等處軍營

與該鎮共事日久最所深悉是以卽令總統入

川併派曾經出師之遊擊陳尙德安定邦都司

田中桂哲楞泰守備劉貴麟文自新等分起管

帶由黔省之畢節遵義兩路行走以期迅速一

面先行咨覆魁倫聽候調派一面飛行各標鎮

協營照例借給行裝配帶軍械剋日起身並委
貴西道呂雲棟遵義府知府楊紹裘分投親赴
沿途各站照料彈壓不使絲毫滋擾奏入

上嘉之

十二日乙未魁倫奏言臣一面搜捕餘匪一面差

探朱射斗追賊打仗情形初一日午刻據總兵
百祥差弁來營報稱百祥於二十八日同阿哈

保朱射斗由李壩場分路赴文井場一帶剿捕
二十九日天明至文井場賊匪先於夜間由該
場分路奔竄朱射斗與百祥商酌恐賊匪抄截
後路囑令百祥卽在文井場屯紮自同阿哈保
率領兵勇等二千餘名躡蹤追剿十餘里外卽
趕上賊匪後隊我兵奮勇直前追殺三十餘里
沿路殲賊三四百人並救出被脅難民六七百

人生擒一百餘人我兵乘勝前進至高院場地
方賊匪飛奔上山我兵追上山梁望見右邊賊
匪甚衆約有七八千人直撲前來阿哈保與朱
射斗見賊衆我寡卽時由山梁回撤不意左手
山坳內突出賊匪千餘人將隊伍衝斷前隊馬
步兵勇被賊截住阿哈保帶領馬隊衝圍而出
朱射斗正向下衝突間遇坎落馬甫經騎上賊

卽蜂擁近身當時被傷陣亡叅將羅定國驍騎
枝委叅領額森保前鋒委驍騎枝薩英阿領催
委官瑪金泰甲兵獎賞藍翎哲森保守備劉大
成干總陳鎮國把總胡佩劉應魁外委會王柱
兵丁八十名均亦同時被害隨朱射斗後隊之
副將張良槐都司桂涵等見前隊被賊截斷奮
力攻撲賊卽分股從上壓下我兵仰攻不能得

力祇可撤回賊復追來該將官恐賊匪來搶被
擒之賊隨一面傳令弁兵將生擒三百餘人隨
路用刀矛戳斃一面抵敵撤回百祥在營聞信
已將夜半次早帶兵馳往救援賊匪已分路向
西北一帶竄逃查點陸續回營滿漢官兵內佐
領巴漢泰等四十餘員名俱各帶傷尙有領催
委防禦綏呼守備毋之恭難蔭守備徐廷傑把

總張天舜馬永泰陳朝樑曾必貴外委姜國相
額外外委項貴及兵勇二百三十三員名未回
俟查明是否陣亡或衝失他路之處另行稟報
並訊據回營各官兵所說打仗情形無異實堪
憤恨之至其陣亡及現未回營之備弁兵勇人
等已飭百祥等迅卽查明辦理臣現在所統之
兵除朱射斗所領係素日從征外百祥及各將

領所帶本係各路撥回達州傷病調養甫愈及
調來雲貴新兵此番打仗未免銳氣稍挫若前
進追剿不但不能得力且亦前無所堵

臣

再四

思維爲今之計自應以省城爲重查射洪縣之
太和鎮地方有潼河一道上達綿州下通合州
由潼川府等處過河到省皆不過兩三日之程
雖經札飭沿河各屬招募鄉勇團練並由省城

派撥滿漢官兵一千餘名前來協同防守但河

道綿長防範難周臣卽拔營前往該處沿河察

看水淺處所酌分官兵扼要防禦以截賊匪趨

省之路一俟臣前調黔省官兵及七十五帶兵

前來會合再爲相機進剿所有朱射斗原統之

兵已交與百祥率同副將托金泰張良槐等帶

領其川北鎮總兵員缺請

旨揀員補放再

臣

接據七十五隨營糧員巡檢趙炳

然稟稱有緝天川一股賊匪在川楚陝交界之

螞蝗壩一帶滋擾七提督於二十六日移師進

剿該提督前受鎗傷足疾又發痛楚異常不能

騎馬現坐西九轎前進查七十五先經

臣

於二十

一日飛咨其帶兵由重慶一路與

臣

合剿渡

江賊匪今據該糧員所稟是七十五尙未接到

臣
咨而足疾已發該處又有賊匪滋擾未知能

否統兵前來臣實不勝焦切奏入

上命軍機大臣傳諭魁倫曰此次官兵鄉勇趕上賊
匪追殺三十餘里殲斃三四百人生擒一百餘人
似屬得手詎賊匪數千突出衝截朱射斗落馬被
傷陣亡將弁兵丁俱有損折覽奏深爲軫惜朱射
斗著照提督例咨各部議卹此外陣亡將弁兵丁俱

查查明咨部議卹此次挫失實由賊多兵少並非
打仗不力官兵一挫之後未免稍阻銳氣自不必
復事窮追魁倫惟當督率現有兵力於潼河一帶
嚴密堵禦以遏賊匪奔竄成都之路昨據常明奏
總兵施縉帶領黔省官兵三千名起程赴川今又
降旨令常明再調黔兵二千名合計有五千名此
項兵丁素爲精健可期得方施縉前經剿辦神苗

最爲奮勇今帶領黔兵兵將熟識應令其自爲一
隊不可分其兵力前經降旨令德楞泰由甘省階
文一路帶兵馳赴川西剿賊今亦有旨催令迅速
前往並令勒保由陝取道前赴川省協剿但係幫
助魁倫之人魁倫應一面催令黔兵迅速來川一
面催令德楞泰趕緊行走總俟黔兵到川或德楞
泰帶兵到彼再行打仗務令官兵蓄養銳氣整頓

軍容以期一鼓集事至七十五既因足疾不能騎
馬而鮮大川一股現在川陝楚交界屯聚伊所帶
兵力亦屬無多卽令仍在原處堵禦不必調赴川
西至現在川省督兵祇有魁倫一人目前官兵偶
有挫失正須持以鎮定慰問傷亡休息士卒以冀
軍威再振若過於焦急忿不顧身此乃匹夫之勇
卽捐軀舍命亦屬愚忠於國事何益魁倫前次疎

於防範致令賊匪渡江原有應得之罪但果能收效桑榆未始不可將功折罪魁倫此時惟當堅持主見料理軍務不可心忙意亂轉致有誤事機也上又命軍機大臣傳諭額勒登保德楞泰曰魁倫奏前此搶渡嘉陵江西岸賊匪分股由文井場前竄經朱射斗等帶兵追剿因賊匪占住山梁約有七八千人我兵不能直前攻撲卽時撤回不意山坳

內又突出賊匪千餘人衝斷隊伍朱射斗遇坎落
馬被傷陣亡其餘叅將以下陣亡者十餘員兵丁
八十餘名受傷者四十餘員又有官兵二百三十
餘員名衝失未回看來賊勢甚爲猖獗嘉陵江西
岸繁庶之區賊匪久經窺伺前次額勒登保帶領
大兵在川剿辦該處賊匪不敢分出西竄嗣因額
勒登保德楞泰俱離川省以致賊匪乘間搶渡嘉

陵江在額勒登保之意自因前此勒保安坐達州
並未帶兵剿賊致獲罪愆故自任經畧以後察看
各路賊情緊要皆親自督兵剿辦卽此次赴甘原
因竄往秦隴一帶賊匪較衆是以馳往但身爲經
畧並未通盤籌畫預爲佈置卽率行帶兵離川將
川省軍務委之魁倫而魁倫亦大言不慚遽行接
辦額勒登保實不能辭冒昧之咎德楞泰現爲叅

贊不察度川省賊匪情形接續赴甘亦屬輕率不能辭咎賊匪見經畧叅贊同時帶兵離川遂爾肆出滋擾搶渡嘉陵江西竄魁倫行走遲緩又未能妥爲調度祇知在蓬溪屯紮僅派朱射斗等往文井場追剿衆寡不敵陣亡官員兵勇如此之多是額勒登保德楞泰率行赴甘二人俱有應得之罪現在甘省竄匪有額勒登保那彥成在彼督剿又

有廣厚吉蘭泰慶成等帶領甘涼兵數千協剿兵
力厚集該處帶兵亦不乏人德楞泰應卽遵照前
旨迅速率領原帶之兵就近由階文一帶過白水
江星夜加緊徑赴川西幫同魁倫認真剿辦勿使
賊匪逼近成都現已諭令勒保馳赴川西前調貴
州兵三千名已據常明奏到派總兵施縉等帶領
赴川本日文令常明添調兵二千名派勇幹將領

帶領前往合之魁倫德楞泰及成都派來之兵軍
威不爲不壯所有川西剿賊之事責成德楞泰魁
倫勒保三人併力同心認真迅速截剿卽在川西
地方將竄匪剿淨固屬甚善否則亦須逼回川之
東北不可令其再有蔓延至楊揆俟廣厚到後亦
卽同德楞泰赴川辦理地方事務此時額勒登保
惟當與那彥成等速將甘省竄匪剿淨移師赴川

勿再遲緩

上又命軍機大臣傳諭勒保曰勒保於本月初三日自京起身此時諒可行抵西安本日據魁倫奏報川西賊匪情形甚關緊急恐魁倫一人不能兼顧勒保竟不必前赴額勒登保軍營於何處接奉此旨卽就近取道迅速馳赴川西帶兵幫同魁倫剿賊勒保一八川境卽將賊匪情形探聽明確先行

具奏至七十五係由重慶一路帶兵進剿渡江之賊茲魁倫奏稱該提督曾受鎗傷足疾復發不能騎馬並有鮮大川一夥竄匪在川楚陝交界地方滋擾七十五在彼堵剿等語是否實情並著勒保查明覆奏其所帶兵勇如尙可分撥勒保卽行酌調前往川西併力合剿再前調貴州兵三千名已據常明派令總兵施綰等帶領赴川現又令常明

再添調二千名前往協剿軍威已爲壯盛勒保曾
任雲貴總督黔省兵丁打仗得力伊所素知勒保
惟當催調齊集合併一處將川省各股竄匪痛加
殲戮不可零星派撥以致兵分見擊又任賊匪乘
間游奕也

上又命軍機大臣傳諭常明日據魁倫奏到川西剿
辦賊匪尙需兵力接濟黔省額兵三萬九千餘名

上年又經召募新兵存營兵力尙爲充裕著常明
再於通省各營內抽撥精兵二千名並揀派曾經
行陣之將領等分起管帶接續前赴川省務卽妥
爲經理勿稍延緩

同日

上命軍機大臣傳諭各路軍營領兵大員曰上年冬
間額勒登保曾在貓兒垵剿賊被賊突入鍋帳後

陳致遭挫折我兵未免氣餒本日又據魁倫奏朱
射斗在蓬溪剿賊被埋伏之賊突起以致失利蓋
緣從前帶兵各員並不與賊接仗故官兵未見損
傷今認真剿賊不敢仍前退縮每遇賊衆我寡之
時致有敗績此非打仗不力之咎推原其故賊匪
狡詐百出凡遇官兵迎截先令裹脅難民及老弱
在前精銳在後我兵鼓勇直前將老弱之賊剿殺

又分別撫卹裹脅難民及至遇賊精銳而我兵一
鼓作氣之勢已過至再衰三竭之候漸形疲乏賊
匪得以肆行抗拒官兵轉致失利卽如朱射斗此
次帶兵剿賊先救出難民六七百名我兵轉爲賊
衝截卽其明驗嗣後領兵各員截剿賊匪時其在
前老弱及裹脅民人聽其奔逃不必迎剿總須專
注賊匪精銳及馬隊之賊奮力衝擊方可得手又

賊匪奸計社往一面迎敵官兵一面分股抄出官
兵後路突入營盤並於山徑叢雜之處故爲奔逃
引誘我兵追躡深入而賊匪或於山溝內多爲埋
伏我兵猝不及防爲賊掩襲以致損折著各路領
兵大員留心慎重預操勝算以期所向克捷爲要
上又命軍機大臣傳諭胡季堂伯麟曰現在川陝甘
肅軍務未竣一切糧餉俱支自應寬爲預備著於

部庫撥銀壹百萬兩胡季堂卽迅派安員沿途小心管解送至山西交界處所著伯麟派員探迎接解運至省城存貯藩庫不得擅行動撥俟有旨撥赴何處再行撥往應用

十三日

丙申

上命軍機大臣傳諭額勒登保曰各路軍營除到營未久勇健可用各兵外其節次派調隨征疲乏之

兵及老病殘傷留於各該地方調養者甚多卽如
魁倫現赴川西所帶兵丁係將各路撥回達州養
傷養病之兵挑撥應用而額勒登保前此亦曾經
奏及前鋒伍靈阿甲兵長雲保等因病留養廣元
病痊後仍托故逗遛並不赴營是其明証此等廢
殘老病之兵既不能打仗殺賊而留養該處又需
給與口糧與其將有用之餉項養此無用之兵丁

徒滋糜費孰若查明撤回本營轉可勻出錢糧以
給新兵分例額勒登保係屬經畧各路皆其所統
應先將附近營分查明一面裁撤一面奏聞其餘
較遠各路卽行文該領兵官員令將疲病無用兵
丁各行詳查開明實數一體辦理額勒登保再行
通盤籌畫酌量緩急情形將此次添調湖南貴州
兩廣等省新兵分別派撥俾各路所帶兵丁皆爲

勁旅一兵可得一兵之用而兵丁既增糧餉不致
虛費且此等疲病兵丁亦自樂於回營此時及早
撤令歸伍俾其調養平復仍可於本營當差豈不
兩有裨益乎

十四日

丁酉

吳熊光奏言

臣

接准鎮臣田永桐札

開據差赴山陽兵丁等稱探得由安康縣松樹
壩竄來一股賊匪男婦約數千餘人正月二十

七日由鎮安屬之紫溪河至獅子口屯聚順河
南竄出仁河口離鎮安城二百里又差赴鎮安
兵目報稱探得一股賊匪約有千餘人竄至鎮
屬野豬坪又一小股約有七八百人竄至鎮屬
雲蓋寺又一小股約有四百餘人竄至鎮屬鼇
火溝臣前接陝西撫臣台布來信以石泉等處
賊匪不過千餘人昨又准松筠咨會以張漢潮

餘匪兩股已入甘省其後一股約五六百人尚在蓋鄂一帶逃竄石泉偷渡賊匪約有千數亦向五郎奔竄此次兵丁稟報賊匪數千人之說自係探報未確想因陝省大兵移赴甘境輿情驚惑遂爾訛傳賊數臣已飛札諄囑田永桐常林等以盧氏浙川各卡隘防兵照舊分駐並未減撤總當慎密防守惟是山鎮商維一帶崇山

峻嶺路徑紛歧賊匪穿林越菁是其長技上年
那彥成明亮等所帶官兵不下二萬而張漢潮
餘匪僅千餘人猶得於陝境奔竄自如未能搜
捕淨盡今陝省勁兵經那彥成帶赴甘省台布
所帶之兵爲數無多縱豫省嚴密堵截而陝境
東至商維西達五邗地方遼濶跬步皆山以有
限之兵剿善竄之賊恐一時不能撲滅且南山

一帶多係棚民其中向多習教之徒賊至即便附從若再任其煽惑裹脅日聚日多仰懇

皇上勅下經畧額勒登保等抽撥官兵迅赴陝省江

北幫同台布剿賊再臣查豫省原設兵額撫標

左右兩營及南北兩鎮各營通共九千九百九

十餘名留標撥演並分布通省州縣爲數本屬

不多自楚匪滋事以來經景安帶赴湖北兵丁

二千八百零九名王文雄帶赴陝西兵一千名
共計缺額三千八百餘名而本省西路之盧氏
浙川等邊界南路之襄江一帶在在均須兵力
防守嘉慶二年曾奉

諭旨楚豫各添練兵五千名經前任撫臣陸續召募
統計前後新兵雖有七千四百名之數但移補
帶赴楚陝征兵三千八百餘名外只剩新兵三

千數百名尙未足五千之數惟是目下西南兩路兵餉鹽菜以及製備軍火軍械並沿途運送車馬各項每年不下百萬兩若冬添新兵餉項又須加增亦不可不通盤籌畫

臣

上年添募新

兵後卽將各處鄉勇次第裁撤以養鄉勇之費養兵現在只留鄧州鄉勇將及千名在江岸防守

臣

再四思維似祇須再募兵一千數百名以

符五千之數或將江岸現存鄉勇改作新兵倘

伊等不願入伍卽另行召募

臣

現在移咨南北

兩鎮札飭司道等悉心妥議俟覆到再行具奏

再查添募兵丁必須將備等官管帶訓練方能

得力豫省兩鎮以下並無副將原設叅將五員

遊擊三員都司六員守備十七員千總二十八

員把總六十員外委七十四員前經景安帶赴

湖北王文雄帶往陝西者共六十餘員雖節次
奏請揀發武職人員但遇有缺出例應將軍營
出力員弁以次陞補揀發各員有四五年尙未
得缺者若續行奏請旣虞壅滯且新到之員人
地生疎亦不能得力是以上年豫省所添新兵
乏員帶領臣與兩鎮等權宜籌辦卽於各營食
糧年久燻熟營伍之馬兵內挑選數名暫給行

營千把頂戴令其各帶新兵勤加訓練尙可無
悞將來如蒙

恩准增添兵額官員似亦當酌添統俟臣於善後事
宜內安籌辦理奏入

上命軍機大臣傳諭吳熊光曰現在陝省剿賊情形
更爲緊要已降旨諭令額勒登保令岱森保帶兵
赴陝幫同台布剿辦至賊臣奔竄無常豫省與陝

楚處處毗連無論陝境賊數多寡吳熊光總宜嚴
飭鎮將確探賊蹤加意嚴防勿任一名闖入卽湖
北賊匪現離江岸已遠吳熊光仍當飭令完顏代
等防守江岸不可稍涉大意又所奏添募新兵一
千數百名以符五千之數並酌增管帶營弁所辦
甚是該撫務須隨時飭令將備等勤加訓練以期
有用

上又命軍機大臣傳諭額勒登保曰陝省剿賊情形甚關緊要該處兵力較單雖有台布等在彼剿辦仍恐照料難周前此那彥成赴甘時朕本令岱森保在陝幫同台布剿辦嗣經額勒登保將岱森保留伊軍營此時陝省安康鎮安一帶分竄之賊不可不急爲搜捕而甘省竄匪前經那彥成殲戮三千餘名賊勢已就退敗額勒登保現在帶領多兵

又有廣厚吉蘭泰慶成等率領甘涼兵數千協剿
該處兵多將廣亦無須岱森保一人在彼帶兵著
額勒登保卽令岱森保酌帶官兵一二千名星速
回陝幫同台布剿賊現又有旨令伯麟挑備山西
兵數千名在蒲州聽候調撥如陝省尙需兵力卽
可星速調用務將安康鎮安等處分股賊匪速行
剿淨不可任其竄往豫楚邊界

上又命軍機大臣傳諭伯麟曰昨據伯麟奉山西省
各營應挑補額兵丁俱已陸續挑補足額現在陝
省境內竄匪尙未剿淨恐有應添兵力之處著伯
麟卽於各營添補額兵內酌量抽調精兵數千名
揀派將弁管領駐紮蒲州沿河一帶地方聽候諭
旨應行派往何處卽便就近起程以免遲緩該處
離陝省較近此項生力兵丁暫住沿河一帶晉省

邊界亦足藉資保障也

同日高杞奏言臣於本月初八日接據鄖縣知

縣高賜禧等稟報正月二十八日戌刻探得闌

入二竹之賊橫竄鄖縣安陽灘至磚魚溝口白

火石小堰溝地方又接署均州知州吳文璟稟

報正月三十日巳刻探得賊至州屬西鄉之白

浪距城一百二十里戌刻另有一股賊匪竄入

該州南鄉之店子河孫家灣距城七十里

臣查

均州屬之孫家灣在襄陽上游相距四百餘里
此時倭什布孫清元緊躡剿捕賊匪情急橫竄
自必妄思偷渡急須添兵堵截省城雖有新兵
爲數無多且武漢所屬原有習教之人近省之
孝感蒲圻等縣前此俱有教匪起事目下寄居
鄖陽民人多有逃避回籍紛紛傳說未免人心

惶恐不便抽撥新兵出省以致重地空虛因思
宜昌鎮總兵王凱前奉倭什布札令卽派署遊
擊毛秉剛等帶領官兵一千名由興山保康東
面迎截正月十九日已過歸州諒早趕到此時
賊匪旣由均州一路橫竄沿江一帶較之房保
更爲著重前項官兵自應移緩就急若自保康
南漳徑趨均州甚爲便捷且計明亮亦可抵襄

臣已飛咨明亮就近飭調毛秉剛等迅速帶兵
趕赴明亮處統率截剿又據荆宜施道崔龍見
稟報荊州將軍弘豐現在派帶滿兵前赴襄陽
等處堵剿弘豐既赴襄陽必由荆門鍾祥宜城
前進會合明亮更足以壯聲威並接署襄陽府
知府張瑤稟稱二月初一日接到河南臬司完
顏岱札稱沿江各隘現分兵勇設防並有調到

兵丁一千二百名之語完顏岱駐劄光化縣老

河口近接均州一帶

臣

卽知會該司於沿江晝

夜防備總不使賊匪乘隙偷渡俾明亮等得以

迎頭攔截倭什布孫清元斷其後路前後合擊

自可悉數殲除奏入

上命軍機大臣傳諭高杞曰賊匪由均州一路橫竄

沿江一帶早經飭令弘豐王凱速派將弁帶兵截

剿復諭令松筠迅速赴楚調兵堵剿並諭明亮回
楚帶兵幫同剿辦昨又有旨令姜晟酌調湖南兵
一二千名派將弁帶領前赴湖北此時想已調齊
高杞惟當飛咨通恩將所調湖南之兵催令速赴
松筠軍營上緊剿辦所有軍需一切務宜督飭趕
運以期接濟毋悞

同日

上命軍機大臣傳諭松筠曰七十五在川東逗遛多
日前此倭什布咨調赴楚剿賊伊並未前往昨據
魁倫奏咨調七十五由重慶一路帶兵進剿竄渡
嘉陵江之賊該提督以會受鎗傷足疾復發不能
騎馬亦未赴川西七十五竟係擁兵隨處逗遛延
玩已極即使實係傷發亦應奏明開缺令其回京
調理另派人管帶兵丁乃總未見伊奏及著松筠

就近查明七十五現在何處剿辦何股賊匪因何
不赴湖北川西剿賊逐一嚴查參奏並著松筠查
明七十五所帶之兵共有若干如七十五一路現
無賊匪松筠可卽將伊所帶之兵調赴楚北亦屬
安便